

CURSO 2010 - 2011

IES MIGUEL ÁNGEL GONZÁLEZ ESTÉVEZ

A
Gancha

R C
S H A
B
O



SUMARIO

	Páxina
Presentación.....	3
Encontros con escritoras e escritores.....	4
Obradoiro de creación poética.....	5
Amor en catro linguas.....	6
Concurso de lectura en voz alta.....	7
Coordinadora de EDLG do Salnés.....	8
Magosto.....	9
Entroido.....	10
Maios.....	11
Debuxos.....	12
Mes das letras.....	13
Excursión a Cortegada.....	14
Intercambio con Châteaugiron.....	15
Viaxe a Roma.....	17
Entrevista a Katie.....	18
Acollida do Lycée Pierre Poivre.....	21
Relato.....	22
Mage 11.....	23
Deportes.....	25
Premio de Radio Escolar.....	27

Ilustración da portada realizada por Andrea Rodríguez Sobrino (1º Bach D)

“A gancha” é un proxecto do Equipo de Dinamización Lingüística do IES Miguel Ángel González Estévez. Procuramos abrir un espazo para dar conta das actividades levadas a cabo no curso polo Equipo de Dinamización Lingüística mais tamén doutros departamentos. Sabemos que neste primeiro número deixamos fóra moitas iniciativas que merecerían mención. Esperamos que nos perdoedes se botades cousas en falta. Agardamos mellorar. Agradecemos todos os traballos e colaboracións recibidas, sen elas non sería posible este primeiro número da revista, que esperamos leades con interese atopando nel un bo resumo do curso 2010-2011. Para os próximos números, igual que para este, serán benvidos todos os traballos (relatos, poemas, opinións, experiencias de aula, etc.) que cadaquén queira achegar.

Como se fosen ameixas baixo a area, “A gancha” traballará para recollelos.

Moitas grazas. EDLG.

ENCUENTROS CON ESCRITORES E ESCRITORAS

Encuentros cos nosos escritores

ROSA ANEIROS



XERAIS



Martes, 25 xaneiro, 10 horas
Biblioteca do noso Centro



Alumnado
de
4º E.S.O.



Departamento de Lingua Galega e Literatura
I.E.S. "Miguel A. Glez. Estévez" - O CARRIL

Este curso tivemos a sorte de contar coa visita da escritora Rosa Aneiros e do escritor Francisco Castro. Cando chegou Rosa Aneiros, a Biblioteca converteuse na cafetería de Patricia, unha das protagonistas de *Ás de bolboreta*. Falou e a ficción foi realidade; mentres o alumnado de 4º ESO compartía a palabra e o seu universo literario. Entón comprenderon que as ás dunha bolboreta poden provocar un terremoto de imaxes. Francisco Castro, pola súa banda, tróuxonos o mundo dos piratas de

Chamádeme Simbad e tamén a Venecia do século XIII d' *O segredo de Marco Polo*. O autor compartiu co alumnado de 1º ESO e os membros do Club de Lectura os segredos da escrita e o desexo de conquistar, na fabulación, ese dereito arelado da liberdade.



O B R A D O I R O

OBRADOIRO DE CREACIÓN POÉTICA

En febreiro levouse a cabo un obradoiro de creación poética a cargo da poeta Dores Tembrás dirixido ao alumnado de 1º ESO baixo o título "Poesía + grafiti". A Biblioteca converteuse nun laboratorio poético no que o alumnado foi animado a crear os seus versos que logo escribiron en post-it e espallaron dentro e fóra do centro. Como recolleu a autora no seu blog: "Ás veces unha sae coa sensación de que si, que foi verdade, que esas horas compartidas mudaron algo, que os versos que me entregaron ao final da sesión embeleceron aínda máis o frío da mañá no Carril." Aquí tedes algúns deses versos:

*Recordo as mañás de inverno
nas que ti e máis eu
escribíamos os nosos soños no crital
grazas aos nosos bafos
por fin soñábamos espertos
soños dun instante
soños que se esvaecían no tempo. (Carla)*

*O baleiro é un branco potente
o baleiro e a soidade
eu teño que estar só
e non podo (Telmo)*



*caleidoscopio
é un mundo de cores
onde poder ver
amarelo e vermello (Manuel)*

*O honor, que é o honor?
para algúns unha palabra
para min, unha forma de ser
un recordo de tempos pasados
cabaleiros que respectan as xentes
persoas que se preocupan polos demáis
O "honor" unha tradición olvidada
Por qué ninguén pensa nel?
Que pasaría se volvésemos ao honor?
Habería máis xustiza?
Quen sabe! (Antón)*



AMOR EN CATRO LINGUAS

Como unha actividade de animación á escrita, en febreiro e arredor de San Valentín, o centro convocou o *Concurso Amor en catro linguas*, concurso de cartas de amor escritas nas catro linguas que se poden aprender no centro: galega, castelá, inglesa e francesa. Felicitamos desde aquí ao gañador e á gañadora: José Enrique Loureiro, de 3º ESO, e Carla Villanustre, de 1º BAC.

L E C T U R A S

CONCURSO DE LECTURA EN VOZ ALTA


En outubro celebrouse o *I Concurso de lectura en voz alta "Ler e escoitar"* entre o alumnado de 1º ESO, promovido pola Consellería de Educación. A lectura en voz alta, a lectura expresiva, é unha forma de expresión e comunicación necesaria, útil e fermosa, que cómpre practicar e na que se poñen en xogo un grupo de habilidades de gran interese para a nosa vida persoal e social. A gañadora desta primeira edición foi a compañeira Sandra Berridi, que optou a participar na fase autonómica do concurso.



O club de lectura *Tira da páxina* segue reuníndose todos os venres no segundo recreo na Biblioteca para compartir a súa paixón polos libros e a lectura. Este curso achegámonos a *O segredo de Marco Polo*, de Francisco Castro;



A mansión dos murmurios, cómic de Muñoz, Tirso e Montes e *O escaravello de ouro*, de Edgar Allan Poe.




A animación á lectura é variada, e así, este curso, *Xoves...Arte* seguiu sendo unha cita ineludible para todos os membros da comunidade escolar interesados en mirar e ler a arte dende todos os puntos posibles.

COORDINADORA GALEGA DE ENDL DO SALNÉS

Este curso a Coordinadora Galega de Equipos de Normalización e Dinamización Lingüística do Salnés tamén fixo das súas. No primeiro trimestre celebramos o **Día da Ciencia en Galego** montando unha feira na Praza de Galiza de Vilagarcía. Alí estive- mos, co alumnado de 4º ESO, colaborando con xogos matemáticos. Tamén houbo ex- perimentos químicos, moita tecnoloxía, vídeos de astronomía e incluso taboleiro xi- gante matemático.



A vila tivo claro que a ciencia tamén se experimenta en galego. Antes do Nadal foi tamén o **XVII Certame gráfico pola normalización lingüística**. Carril resultou pre- miado no concurso de adhesivos, felicitamos desde aquí á gañadora Rebeca Rocha e ó gañador Xeromo Del Valle, de 2º Bacharelato de Artes. Por último, a revista **Enormic Banda** de banda deseñada tamén conta nesta edición con varios traballos deste noso alumnado tan creativo.




Coordenadora de EDL de Salnés 2010/11
REBECA ROCHA FIGUEIRA



Coordenadora de EDL de Salnés 2010/11
XEROMO DEL VALLE DARRIBA

M A G O S T O

No mes de novembro desenvolvemos unha serie de actividades entorno ao Magosto. Dende charlas do profesor Ramón Brea sobre esta festa e conferencia sobre os cogumelos a cargo de Carlos Puga ata xogos tradicionais pasando por concursos como o de *carteis* para a festa ou o *concurso de cabazas*.



Felicitemos aos gañadores e gañadoras.

Carteis categoría de deseño gráfico:

1º premio: Alejandro García Varela (1ºBAC). 2º premio: María Mosquera Vicente (1ºBAC).

Categoría de carteis artísticos:

1º premio: Lucía Diz Rivas (1º BAC) e 2º premio: Paola Agrasar Rey (1ºESO).

Grupo gañador das cabazas do Samaín: Paola Agrasar, Sara Díez e Cristina Cao, de 1ºESO.

Ademais, o Departamento de Bioloxía preparou unha interesantísima exposición micolóxica e de castañas e castiñeiros. Para finalizar celebramos a festa do Magosto con música e baile tradicional e comendo



E N T R O I D O

En febreiro celebramos o Entroido disfrazándonos, bailando e cantando na festa que vén sendo habitual no instituto. Este ano o tema era "O mundo do cómic" e por alí andaron os Simpson, Asterix e toda a aldea gala, Catwoman, Mortadelo e unha corte de Mafaldas. Ese día tamén entregamos os premios do *Concurso de sobremesas* e do *Concurso de máscaras de Entroido*.



O S M A I O S



O alumnado de 1º ESO compuxo as súas coplas para celebrar a chegada do mes de maio e dirixidos pola profesora Pilar Conde montaron un par de Maios: un Maio có-


nico e unha Cruz. Cos Maios e coas coplas participaron no concurso que o día 1 se celebrou en Vilagarcía.



XORNADAS DE CONVIVENCIA CO ALUMNADO DO IES Nº 1 DE ORDES


En maio celebramos tamén as Xornadas de convivencia co alumnado do IES Nº 1 de Ordes. Un grupo de 3ºESO visitou Ordes e compartiu o día con alumnado galego-falante do interior, coñecendo a súa paisaxe nun roteiro a pé polo río Mercurín. A visita foi devolta e esta vez pasamos un día na praia na Illa de Arousa entre outras actividades.

D E B U X O S



Tomas Gómez Fortunato 2º ESO A





Ruth Piñeiro Longo 2ºA



Ruth Piñeiro Longo 2º ESO A

MES DAS LETRAS

Entre o Día do Libro (23 de abril), que este ano caeu en Semana Santa, e o Día das Letras (17 de maio) o centro vén conmemorando o libro e a palabra cunha serie de actividades como a do *Correlingua*, no que participou o alumnado de 1º e 2º da ESO ou as *Lecturas que nos retratan*, na que o profesorado comparte as súas lecturas preferidas con toda a comunidade escolar. A obra de Lois Pereiro tamén estivo presente, a través de lecturas, charlas e exposicións.



C O R T E G A D A

Os alumnos e alumnas de 1ºESO A e B visitaron Cortegada o 22 de marzo do 2011. Begoña Vázquez e Mónica Mato acompañaron aos alumnos de 1ºA á illa, e Miguel Barros acompañou ao seu grupo. Os de A foron pola mañá e os de B pola tarde.



A visita foi guiada e promovida pola Concellería de Medio Ambiente. Sobre as 11 da mañá tomouse a lancha para visitar a illa. Como a marea estaba baixa, tiveron que andar un pouco ata a illa. O primeiro que viron foi as ruínas da capela de Cortegada. A continuación, viron o inmenso e impresionante bosque de loureiros, o máis grande de Europa. Durante o camiño foron observando os distintos tipos de árbores que hai na illa carrilexa. A guía contoulles aos visitantes a historia de Cortegada. Aos alumnos e profesores encantoulles a visita á marabillosa illa de Cortegada.



Damián Fernández, 1º ESO

CHÂTEAUGIRON

ÉCHANGE 2010-2011

Por terceiro ano consecutivo o instituto de Carril organizou, xunto co IES Fermín Bouza Brey, un intercambio escolar co Collège Victor Ségalen de Châteaugiron (Bretaña, Francia).

É un intercambio lingüístico e cultural entre Vilagarcía e Châteaugiron que consta de dúas etapas:

A primeira etapa tivo lugar no primeiro trimestre, cando os alumnos bretóns viñeron a Galicia. O noso encontro foi en Allariz o día 4 de novembro. Ao chegar estábamos moi tímidos xa que era a primeira vez que nos víamos, pero todos conectamos moi ben.

Os nosos correspondentes foron acollidos no instituto, participando nas clases e na festa do magosto. Tamén fixeron moitas excursións, como por exemplo á Coruña, a Vilanova... certas excursións fixéronas eles sos, como é normal, pero noutras puidemos acompañalos e pasámolo xenial.



O malo foi cando chegou o momen-

to da despedida. Fóronse o 12 de novembro pola tarde-noite despois de tomar os churros no Bouza Brey. Foi tristísimo. Choramos moito, aquilo parecía unha riada, porque sabíamos que os íamos botar moito de menos.

Durante os meses de separación mantivemos o contacto, sobre todo a través de facebook, intercambiando cartas e vídeos até que por fin chegou o día: o 1 de abril, ás 3 do mediodía, marchamos para Francia.

A viaxe durou 22 horas, quedamos fartos do autobús pero pasámolo moi ben.

Atopámonos cos nosos "corres" en Rennes o sábado 2 pola mañá para visitar o mercado. Pareceunos que todos cambiaran moitísimo! Estaban guapísimos.

CHÂTEAUGIRON

Nós tamén fomos recibidos no seu colexio e asistimos ás clases. Alí coñecemos moitas persoas e pasámolo moi ben.

Unha das visitas máis divertidas que fixemos foi a do Mont Saint-Michel, é unha pena que os nosos correspondentes non puidesen vir connosco. Tamén fixemos actividades con eles, como a visita da cidade de Rennes, a de Saint-Malo ou a película no cine Paradisio de Châteaugiron...

As familias foron simpaticuísimas e boas connosco. Fixeron todo o posible para que nos sentísemos como na casa, mesmo organizaron unha festa!

O tempo pasou e chegou o 12 de abril, o día de marchar para París e non velos NUNCA máis.

Como era de esperar a despedida foi moito máis triste que a de novembro, Todos choramos (perigo de inundación) e xurámoslles que sempre quedarán nos nosos corazóns.



No autobús vimos de súpeto una cousa sorprendente que nos animou, todos quedamos abraizados: era a torre Eiffel.

En París fixemos algunhas visitas como ao "Sacré-Coeur", ao museo do Louvre (onde vimos a Mona Lisa, a Venus de Milo, o Escriba sentado e outras obras de

arte das que tanto nos tiñan falado), o cemiterio Père Lachaise no que algúns nos perdemos buscando a tumba de Jim Morrison, a de Molière ou a de María Callas.

Despois da viaxe de volta chegamos a Vilagarcía, onde nos reencontramos coas nosas familias. Tíñamos moitas cousas que contarlles e no fondo tíñamos moitas ganas de volver (no fondo, moi fondo, moi fondo).

O intercambio foi unha das cousas máis bonitas e inexplicables que vivimos nas nosas vidas. Vai ser unha experiencia moi difícil de olvidar. Animámosvos a que vaiades por nós, xa que algúns non poderemos repetir.

Só unha palabra máis, o noso berro de guerra da viaxe: LUMEEEEEE!

Patricia Martiñan Suárez(3º ESO A)

Afra Martínez Torrado(2º ESO A)

EXCURSIÓN A ROMA

Recentemente alumnos e alumnas de 1º e 2º de bacharelato do IES do Carril fomos de excursión a Roma.

Estivemos cinco días e visitamos edificios e monumentos de moito valor histórico como o Coliseo, o Circo Máximo, o Arco de Constantino, etc.

Foi para todas e todos nós unha moi boa experiencia. Durante as visitas podemos imaxinar como era a cidade hai 2000 anos. Aprendemos sobre a tradición, costumes, modos de se comportar, afeccións... dun gran imperio e das xentes que viviron nesa época.

Pasámolo moi ben, agás un pequeno contratempo que tivemos coas maletas en Roma e Santiago. As mestras Pilar e Inma pasárono moi ben con nós. Foi unha experiencia para min e para todos que lembraremos toda a vida. Oxalá volvamos facer unha viaxe coma esta!

Alejandro González Álvarez 1º C



Este ano o departamento de Inglés contou coa colaboración da norteamericana Katie R. Smith. O alumnado da ESO tivo a oportunidade de mellorar o seu inglés escoitando e conversando con ela, ademais axiña xurdiron afectos e simpatías. Alumnas e alumnos de 3º A realizáronlle unha entrevista en inglés para esta revista e eles mesmos nos ofreceron a súa traducción.

ENTREVISTA A KATIE

Pregunta: Cando e por que dicideche vir a España?

Resposta: Eu quería vir hai tres anos para practicar español xa que o estudei na universidade durante un ano. Ofrecínme voluntaria para ir a Valencia, pero por problemas familiares non puiden ir. Tres anos despois decidín aproveitar a oportunidade e vir, neste caso a Galicia.

P: Onde vives en Galicia?

R: En Pontevedra. Gústame, é moi bonito.

P: Con quen vives?

R: Vivo con dúas americanas, unha de Texas e a outra de New York. As dúas teñen o mesmo traballo ca min.

P: Coñeces moitas cidades en España e en Galicia?

R: Si, Barcelona, Madrid, Salamanca, Sevilla, Cádiz, e de Galicia: O Grove, A Coruña, Santiago...

P: Cal é a túa cidade favorita en España?

R: Non teño porque son moi diferentes, pero se tivera qu elexir unha de Galicia sería Santiago.

P: Cal é o lugar de Europa que che gustaría visitar algunha vez?

R: Gústaríame visitar Italia, o sur de Francia, Dinamarca, Copenhague e Amsterdam.

P: Gústaríache vivir en España nun futuro?

R: Si, o ano que vén vou ir a Murcia un ano, e despois volverei a Washington; pero despois duns sete anos gústaríame volver a España.



P: Que sentiches cando viches este instituto por primeira vez?

R: Cando o vin por primeira vez pensei que era moi bonito e grande. Sorprendeume gratamente ver grafittis na parede da entrada e parecéronme moi *guais*.

P: Algunha boa experiencia no centro?

R: Cando foi o meu aniversario regaláronme unha grande tarxeta. Logo no departamento de Inglés déronme unhas bonitas flores. Todos foron tan amables...

P: Que querías estudar cando eras pequena?

R: Cando era pequena quería estudar Arte e Filloxía inglesa. Acabei facendo Bioloxía.

E N T R E V I S T A

P: Por que tendo estudado Bioloxía en EEUU viñeches a Galicia a dar clases de Inglés?

R: Sempre quixen poder ensinar o meu idioma en España; tamén quería visitala xa que é un lugar precioso.

P: Gustaríache seguir sendo profesora?

R: Si, gustaríame ensinar psicoloxía na universidade.

P: Pensas que o noso nivel de inglés é bo?

R: Si, especialmente este grupo (3º A)

P: Pensas que estamos preparados para vivir nun país anglófono como EEUU?

R: Quen realmente queira estará perfectamente capacitado.

P: Cales son as túas afeccións?

R: A fotografía, debuxar, ler, viaxar, cociñar e comer.

P: Cal é a túa camida española preferida?

R: A tortilla española.

P: Algunha vez probaches o marisco, o cocido...?

R: Marisco non. Fun vexetariana ata os dezasete anos e agora non me gusta moito a carne. Só como polo. Respecto ao cocido tomei as verduras e o polo.

P: Fuches de compras por Galicia?

R: Si, como o valor do dólar é inferior ao do euro paréceme que todo é algo máis caro.

P: Tés mozo en España?

R: Non, levo moi pouco en España.

A C O L L I D A


A ILLA DA REUNIÓN EN CARRIL

Xa se fala de Carril no océano Índico! Como é posible? Pois moi fácil: non contentos con manter o contacto coa Francia metropolitana, este ano fixemos amigos da Illa da Reunión (departamento de ultramar francés) e acollémolos nas nosas casas e no noso instituto.

O luns 9 de maio chegou a Vilagarcía o grupo de teatro escolar francés do Lycée Pierre Poivre de Saint-Joseph, que está formado por 21 mozos e mozas de entre 16 e 22 anos, acompañados por catro profesores. Os 25 integrantes da compañía foron acollidos por familias de alumnos e alumnas e polo profesorado dos catro institutos de Vilagarcía e da Escola Oficial de Idiomas.

O grupo de artistas viña de actuar en Bilbao e ficou en Vilagarcía até o venres 13 de maio. O mércores 11 representaron para nós, no auditorio de Vilagarcía, a comedia musical "Ti baba", que trata a problemática do embarazo adolescente. Gustounos moito o espectáculo pola súa temática e porque as cancións e as coreografías están moi traballadas.

A pesar de estar moi pouquiños días por aquí, tiveron ocasión de disfrutar dun fermoso paseo en bicicleta (Vai Bike) facendo un percorrido polo paseo marítimo entre Carril e Vilaxoán, descubrindo a illa de Cortegada, os viveiros de ameixa e berberecho, o CIRA e o porto de Vilaxoán.



O mércores pola tarde, despois da función, coñeceron Catoira e, grazas ao clube de piragüismo "As Torres", puideron iniciarse nun dos deportes máis practicados na zona.

Durante esta semana de convivencia os rapaces e rapazas reunionenses viviron unha experiencia de intercambio cultural en contacto co alumnado da comarca. O xoves pola mañá viñeron ao noso instituto e tivemos ocasión de falar con eles, de que nos contasen como se vive na Illa da Reunión e de que nos ensinasen cancións e danzas creoulas como o "séga". Pola nosa banda, correspondemos con gaita, pandeireta, tambor e bombo. Ensinámoslles catro pasos de muiñeira e puxémoslos a bailar en roda con nós. Foi moi divertido!

Antes de marchar quixeron facer unha función especial no Bouza Brey para as familias que os acolleron e que non tiveran ocasión de velos no auditorio.

O venres pola mañá despedímoslos na estación de autobuses con abrazos e cancións. A todos nos marcou moitísimo esta experiencia, que esperamos repetir o próximo curso.

A ÚLTIMA CARTA

O Grove, 24 de Setembro do 2010

Querida Uxía:

Son o teu vello amigo Ramón. Que tal estás? Escríboche para despedirme de ti xa que creo que non nos imos volver a ver. O mes pasado coñecín a Roberto, un home rico e amigo dos bares. Seica lle caín ben e me invitou a unha copa, e despois desa copa viñeron moitas máis. Tanto bebín, que estaba máis para alá que para aquí, collera a borracheira do século. Non sei que foi da miña vida aquela noite pero ao día seguinte, deime de conta de que lle debía ao tal Roberto un millón e pico de euros. Se dixéramos que era de broma, bueno, pero o caso é que me ensinou todas as contas e recibos de bares e discotecas.

O caso, e esta é a razón da carta, é que me deu un mes para devolverllos. Estou no paro e ese millón é máis do que vou a gañar na miña vida. Pero isto non queda nun simple xuízo. Seica o tal Roberto ese anda en líos de contrabando e é millonario e por iso non sei por que necesita tan urxentemente xa que o único que recordo desa noite é unha frase: "Se nun mes non me dás os cartos, non volverás a ver a luz do día" e logo creo que comecei a rir.

Pero eu non che escribo para pedirche cartos, senón para decirche que avises aos meus pais (os teus veciños) e para decirche o que te quero, e que nunca deixei de pensar en ti. Cóidate moito, xa que creo que me quedan moi poucas horas de vida.

Un bico

Despois de rematar de ler a carta, caeu sobre o papel unha bágoa de cristal. A mañá seguinte Uxía non espertou.

Anónimo
2º Eso

MAGE 11

Este é o cuarto ano no que o instituto, xunto coa Concellería de Cultura do concello de Vilagarcía de Arouxa, celebra unha exposición, MAGE 11, para dar a coñecer o bacharelato artístico, modalidade única en todo o Salnés. Como non podería ser doutra maneira, quen representou ao bacharelato, e con el ao instituto, foi o propio alumnado que cos seus traballos de curso encheu as paredes do Auditorio de Vilagarcía. Estes traballos foron escollidos segundo o criterio dos profesores, neste caso



Ciro Sánchez, artista local de certa sona e Xosé Artiaga ao que avala unha exposición




no Museo reina Sofía de Madrid, sempre coa máxima de que cada alumna e alumno tivera algo na exposición. A inauguración tivo lugar o día 29 de abril ás 19.30 e logrou a expectación que se esperaba ou incluso algo máis.

Dentro da exposición podíase atopar pintura, fotografía, escultura... As peanas onde ían as esculturas estaban dispostas de xeito que pola súa propia colocación funcionaran como obra independente, formando un conxunto con todas as obras colocadas nelas. Este ano apostouse bastante pola fotografía, técnica onde máis nivel se chegou a acadar. En canto á pintura, habería que destacar que tivo tanta presenza o abstracto coma o figurativo, dando unha sensación de equilibrio.

Falando agora desta modalidade de bacharelato, cómpre dicir que ten tanta saída no mundo laboral como calquera outro e permite o acceso a un amplo abano de ciclos ou cursos de deseño, á escola Mestre Mateo de Santiago de Compostela, á de Restauración de Pontevedra, e nesa mesma cidade á facultade de Belas Artes. Concretando algo máis, neste bacharelato pódense cursar as materias de Comunicación Audiovisual, Debuxo Técnico, Debuxo Artístico, e Volume no primeiro curso, e no segundo, Debuxo Técnico e Artístico, Deseño, Técnicas gráfico-plásticas e Historia da Arte.

O bacharelato conta con bastante demanda, de feito este ano o alumnado de primeiro curso tivo que ser dividido en dous grupos e no instituto esperan coas mans abertas a quen queira realizar os seus estudos nesta rama.

A idea é que esta exposición sexa algo fixo anualmente, esperamos que así sexa, xa que se botaría en falta no caso de non repetirse.



Pablo Loureiro 2º Bacharelato

Os recreos do curso 2010-2011 estiveron dominados durante meses polo entusiasmo co que o alumnado viviu os campeonatos de fútbol sala e de bádminton organizados polo departamento de Educación Física. Felicitamos desde aquí aos grupos vencedores así como a iniciativa e o traballo do profesorado implicado.

CAMPEONATO FÚTBOL SALA IES CARRIL 2011

CATEGORÍA 1º - 2º ESO:

1. CAMPEÓNS: 2º ESO-B

Daniel Campos Lijó
Daniel Bouzas Gago
Sergio Miguéns Codina
José Mosquera Vázquez
Damián Franco

2. SUBCAMPEÓNS: CHISPAS DE CARRIL 1º ESO-A

Aarón Moledo Antelo
Pablo Costa Cores
Alejandro Maneiro Castro
Juan José Rodríguez Sousa
Damián Fernández Blanco
Joaquín Fernández Reiriz
Francisco Miguéns Miguéns
Fernando Lezcano Zas



CAMPEÓNS CATEGORÍA 1º-2º ESO



SUBCAMPEÓNS CATEGORÍA 1º-2º ESO

CATEGORÍA: 3º ESO a 2º BTO

1. CAMPEÓNS: 2º BTO. A

Adrián Padín Mondragón
Alejandro Dios Rodríguez
Antonio Barreiro Buceta
José Antonio Fojo Conde
José Enrique Cortegoso Acuña
Manuel Barcala García
Simón Barreiro Lijó

2. SUBCAMPEÓNS: 1º BTO-B

Christian Reino Pazos
Gonzalo Andújar Mejuto
Rubén Martínez Castro
Cristian Gómez Fabello
Roi Barreiro Buceta
Francisco Vázquez Barcala
Pablo Villanueva Iglesias
Francisco Caamaño López

SUBCAMPEÓNS CATEGORÍA 3º ESO a 2º BACH



CAMPEÓNS CATEGORÍA 3º ESO a 2º BACH

DEPORTES

GAÑADORES/AS TORNEO BÁDMINTON 2011

INDIVIDUAL 1º-2º ESO:

1º DAMIÁN FRANCO 2ºB

2º AARÓN SANTAMARÍA 1º B

DOBRES MASCULINO. 1º E 2º ESO:

1º DAVID VARELA-MARCOS TORRES 2C-2ºA

2º ISAAC-AARÓN 1ºB

INDIVIDUAL MASCULINO 3º-4º ESO:

1º JOSÉ ENRIQUE LOUREIRO 3ºC

2º PEDRO FERNÁNDEZ 3ºB

INDIVIDUAL FEMININO 1º BTO-1º TSAAFD:

1º OLAYA RIAL 1º TSAAFD

2º LARA ANTELO 1º TSAAFD

DOBRES MASCULINO 3º- 4º ESO:

1º MANUEL BUGALLO-PEDRO FERNÁNDEZ 3º B

2º GABRIEL FERNÁNDEZ- MANUEL BÓVEDA 3º B

DOBRES FEMININO 3º-4ºESO/1ºBTO-1º TSAAFD:

1º NAHYLA-LETICIA 1º TSAAFD

2º CAROLINA CASAS-LAURA GUIMAREY 1ºBTOA

INDIVIDUAL MASCULINO BTO-1º TSAAFD:

1º JUAN CARLOS RODRÍGUEZ 1º BTO C

2º ALEJANDRO GONZÁLEZ 1º BTO C

DOBRES MASCULINO E MIXTO 1º BTO- 1º TSAAFD:

1º GONZALO ANDÚJAR-RUBÉN MARTÍNEZ 1º BTO B

2º DIEGO LOBATO- ADRIÁN BLANCO 1º BTO A



PREMIO CONCURSO DE RADIO ESCOLAR

Dúas alumnas e un alumno de 1º de Bacharelato do IES Miguel Ángel González Estévez gañan o 2º premio do Concurso de Radio Escolar en francés de Galicia.

Rita Barreiro García, Elena Castaño Abalo e Víctor Longo Fachado, que cursan francés no instituto de Carril, realizaron un programa de radio titulado

"Connaissez-vous la francophonie?" (en galego: "Coñeces a francofonía?") que acaba de gañar o 2º premio dentro da categoría de Bacharelato do II Concurso de Radio Escolar en francés, convocado pola Asociación de Profesores de Francés de Galicia.

O pasado venres 6 de maio os alumnos e a súa profesora, Rosa López Villar, desprazáronse á cidade da Coruña para recoller o premio. Pasaron a xornada cos demais finalistas do concurso visitando o Aquarium Finisterrae e a casa consistorial da cidade. Ás seis da tarde asistiron ao acto de entrega de premios, que tivo lugar no IES Eusebio da Guarda, onde foron felicitados polo seu traballo. O premio, ademais dun lote de regalos, leva incluída unha semana de campamento de verán no albergue xuvenil de Gandarío, entre o 7 e o 14 de setembro.



Ilustración da contraportada: Traballo realizado polo alumnado do Bacharelato de Artes (promoción 2009-2011) a partir da obra de Jean Dubuffet, *Proposiciones amorosas*, 1967.